

D. D.

COGITATIONES PHILOSOPHICÆ,  
DE  
**NUBIBUS,**

QUAS

*Consensu Ampliss. Facult. Philosoph.**in Regia Acad. Aboënsi,*

PRÆSIDE

**CAROLO FRIDERICO  
MENNANDER,**

Scient. Natur. PROFESSORE Reg. &amp; Ordin.

PASTORE in Rändämäki, nec non

Reg. Acad. Scient. Svec. MEMBRO,

*Pro GRADU,**Publica disquisitioni subjicit*

**ANDREAS HÆGG,**

*OSTROBOTNIENSIS,*

In Aud. Maj. ad Diem 22. Julii Anni 1751.

H. P. M. S.

---

ABQÆ, Impressit DIRECT. & Typogr. Reg. Magn. Duc.  
Finland. JACOB MERCKELL.

*Herr Cand. M. Tengström*

Plurimum Reverendo atque Praeclarissimo  
VIRO,

DN. MAG. JACOBO  
GARVOLIO,

PASTORI in Sijajoki Meritissimo,  
PATRONO & FAUTORI etatem venerando.

Hæc.

Levissimas. Pagellas.

Ob.

Innumera. Sibi. Beneficia.

Nullo. Non. Tempore.

A.

TE. VIR. Plurimum. Reverende. Praestita.

In.

Debitæ. Mentis. Venerationis Testimonium.

Devote.

TUÆ. PRÆCL. DIGNITATI.

Offert.

Cultor observantissimus,  
ANDREAS HÆGG.



• situr in uno cœlo, & adhuc ex alijs cœli. O.  
mabes & lumen suum suum, & sicut est omnis  
omnibus & agitat non a se, sed in usque oceano  
atque in terris, ut includat in se omnia. *Aphorism. I.*  
autem *Aphorism. I.* omnibus inbeatim

**N**ubes non est corpus aliquod continuum,  
nec nisi congeries vaporum visibilis, in  
superiori aëris regione hærens; vel nebu-  
la in atmosphæra altius suspensa.

*Aphor. II.*

Uniunt vero sele vapores ad nubem com-  
ponendam, vel quantitate eorum per inferiores ad-  
scendentes aucta, vel variis aliis de causis. Im-  
primis autem ad montes solent condensari.

*Aphor. III.*

Variat nubium altitudo pro materia illas com-  
ponentis diversitate, pro ventorum agitatione, aë-  
ris varia temperie, &c. Illas tamen non adeo lon-  
ge a terra, & raro ad parem, cum excelsissimorum  
montium cacuminibus, distantiam removeri, va-

riis constat indicii; & in primis experientia illorum, qui altissimorum montium vertices adscenderunt.

## Aphor. IV.

Quamvis plures nubes, pro varia earum gravitate specifica, una supra aliam simul & eodem tempore vagari queant; non tamen ex collisione sublimioris nubium tabulati in substratum, & aëris intermedii pressione, tonitru oritur.

## Aphor. V.

Quod vel animalcula vel lapides possint in nubibus ex materia ad id idonea subita metamorphosi gigni, inter fabulas est referendum. Fieri tamen potest, ut vel ova vel ipsa animalcula ex aëre & sublimi delabantur. Ex his aliisque corpusculis aquæ admixtis intelligi possunt pluviae prodigijs.

## Aphor. VI.

Cum nubes ratione densitatis aliarumque affectionum varient, hinc etiam luminis radios vel absorbent, vel varie frangunt aut reflectunt; unde varii nubium colores exsurgunt.

## Aphor. VII.

Pro ventorum varietate etiam varie agitantur, & sic figurantur. Ex figuris vero earum maxime

maxime contingentibus aliquando vulgus sibi,  
imaginationis & ingenii ope, portenta fingit,

*Aphor. VIII.*

Nubium quoque magnitudo & celeritas iti-  
dem est diversissima. Aliquæ quoque illarum ste-  
riiores sunt, aliæ magis fecundæ, non nunquam  
adeo, ut stupendum aquæ pondus contineant.

*Aphor. IX.*

Utpote in historia creationis per expansum  
cœli aëris regionem, ita in diluviana per cœli scene-  
stras nubes & aquas atmosphæricas intelligendas  
judicamus.

*Aphor. X.*

Vapores nubem constituentes aëre, in quo na-  
tant, ex quacunque causa redditu specificè gra-  
viores, descendere incipiunt & terram repetere;  
tumque in guttulas concrescunt, eo maiores,  
quo longius emetuntur iter, quoque plures va-  
pores sub descensu obvios habent.

*Aphor. XI.*

Singulare divinum est beneficium, quod im-  
bres vehementes & exhydriæ sint rarissimæ; ter-  
ra vero nubium ope gutratim destillatione mode-  
rata irrigetur.

*Aphor.*

## Aphor. XII.

Dum vaporess ex nube decidentes conglaciatione rigescunt, & in flocculos filamentaque coeunt, nivem efformant. Figurae hujus, interdum regularis plerumque anomala, rationem sufficientem reddere non valeamus. Probabile tamen est, salium in hoc negotio esse partes aliquas.

## Aphor. XIII.

Grando itidem frigori aëris, quam transit pluvia, ortum debet. Hujus globuli interdum toti sunt homogenei & glaciales, interdum nucleus molliorem includentes, vel etiam toti porosi. Illi ex aqueis guttulis, hi ex nivibus ortum duxerunt.

## Aphor. XIV.

Cum nubes pluviam nobis concedant, facile apparet, nubium usum ad aquationem terræ esse insignem; ita ut eam humectent, & plantis alendis idoneam reddant. Præterea pluviae aërem lavant, ejus calorem temperant, &, una cum vaporibus invisibilibus, fontium & fluviorum perennitati propiciunt.

## Aphor. XV.

Plerosque hos usus etiam nix ex nubibus decisa parit. Præterea lucem intendit, radices vegeta-

getabilium ovaque insectorum custodit, & itinera  
commodissima reddit.

## Aphor. XVI.

Nubes ventis huc & illuc transferuntur; alias  
usus tantum illis regionibus unde adscenderunt,  
exhiberent, imo & his interdum plus detrimen-  
ti quam utilitatis conciliarent. Maxima vero  
pars vaporum inutiliter in aquas recideret, ita  
ut terra pro indigentia sua non irrigaretur.

## Aphor. XVII.

Flagrantia solis perpetua esset viventibus  
omnibus quam maxime inimica. Hanc vero  
nubes, solem obumbrando, impediunt, & ra-  
diorum solarium vim ita temperant, ut salva  
illa manere sub hoc umbraculo possint. Hinc  
vestimenti instar terram obtregunt, & contra ni-  
mium calorem muniunt.

## Aphor. XVIII.

Eadem etiam frigoris vehementiae obstruc-  
tio sunt. Hinc serenis & lucidis noctibus peri-  
culum segetibus suis a pruina maxime metuunt  
agricolæ.

## Aphor.

*Aphor. XIX.* Sunt nubes inter caussas variantium ventorum haud postremas.

XXXVII

*Aphor. XX.*

Per eas rite consideratas varia de statu medii aëris nobis innoteſcunt. Et poſſunt ex illis aliqua tempeſtatum prælagia peti.

